

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-128/24
Sarajevo, 25.1.2024. godine

Z A P I S N I K
6. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 25.1.2024. godine

Sjednica je počela sa radom u 17 sati i 11 minuta.

Sjednici je predsjedavao Tomislav Martinović, predsjedavajući Doma naroda Parlamenta Federacije BiH.

Predsjedavajući je pozdravio delegate i predstavnike Vlade.

Izostanak sa sjednice najavili su delegati: Svetlana Kamenjaš, Sanela Klarić, Tanja Šantić, Mehmed Mahmić i Damir Džeba.

Prema evidenciji Stručne službe, sjednici prisustvuje 63 delegata, što čini većinu, pa Dom naroda može raditi i punovažno odlučivati.

Predsjedavajući je predložio da delagati prije prelaska na rad glasaju o usvajanju Zapisnika sa 5. sjednice Doma naroda.

Na osnovu rezultata glasanja, predsjedavajući je konstatovao da je Dom naroda, sa 54 glasa za, bez uzdržanih glasova i bez glasova protiv, usvojio Zapisnik 5. sjednice Doma naroda Parlamenta Federacije BiH.

Na osnovu rezultata glasanja, predsjedavajući je konstatovao da je Dom naroda, sa 56 glasova za, bez uzdržanih glasova i bez glasova protiv, prihvatio sljedeći:

D N E V N I R E D

1. Prijedlog Zakona o posebnom registru lica pravomoćno osuđenih za krivična djela protiv spolne slobode i morala prema djeci i maloljetnicima u Federaciji BiH (predlagateljica: Jelena Pekić, delegatkinja u Domu naroda Parlamenta Federacije BiH),
2. Prijedlog Odluke o davanju saglasnosti na Finansijski plan Zavoda za transfuzijsku medicinu Federacije BiH za 2023. godinu,
3. Prijedlog Odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za Program integriranog razvoja koridora Save i Drine primjenom višefaznog programskog pristupa,

4. Prijedlog Odluke o davanju saglasnosti na dopunu Statuta Federalnog zavoda za penzijsko i invalidsko osiguranje,
5. Izvještaj o odobravanju izdvajanja sredstava iz "Tekuće rezerve" Vlade Federacije iz Budžeta Federacije BiH za 2023. godinu za period 1.1. - 30.6.2023. godine.

1. Prijedlog Zakona o posebnom registru lica pravomoćno osuđenih za krivična djela protiv spolne slobode i morala prema djeci i maloljetnicima u Federaciji BiH (predlagateljica: Jelena Pekić, delegatkinja u Domu naroda Parlamenta Federacije BiH)

Predstavnički dom obavijestio je Dom naroda da je na 4. sjednici, održanoj 21.12.2023. godine, usvojio Prijedlog Zakona o posebnom registru lica pravomoćno osuđenih za krivična djela protiv spolne slobode i morala prema djeci i maloljetnicima u Federaciji BiH sa devet amandmana, koji su postali sastavni dio Prijedloga Zakona. Amandmane su podnijeli predlagači ovog zakona, zastupnici u Predstavničkom domu Aner Žuljević i Lana Prlić.

Tekst Prijedloga Zakona predlagateljice Jelene Pekić je istovjetan tekstu Prijedloga Zakona zastupnika u Predstavničkom domu sa amandmanima koje su predlagači podnijeli u Predstavničkom domu.

Tekst Prijedloga Zakona je dostavljen Vladi Federacije BiH radi davanja mišljenja.

Tekst Prijedloga Zakona razmatrala su nadležna radna tijela.

Prijedlog Zakona obrazložila je Jelena Pekić, predlagateljica i delegatkinja u Domu naroda Parlamenta Federacije BiH.

U raspravi je učestvovala Vedrana Vujović.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 61 glasom za, bez uzdržanih glasova i bez glasova protiv, usvojio Prijedlog Zakona o posebnom registru lica pravomoćno osuđenih za krivična djela protiv spolne slobode i morala prema djeci i maloljetnicima u Federaciji BiH.

2. Prijedlog Odluke o davanju saglasnosti na Finansijski plan Zavoda za transfuzijsku medicinu Federacije BiH za 2023. godinu

Tekst Prijedloga Odluke dostavila je Vlada Federacije Parlamentu radi razmatranja i donošenja.

Predstavnički dom je obavijestio Dom naroda da je na 6. sjednici, održanoj 10.1.2024. godine, donio Odluku o davanju saglasnosti na Finansijski plan Zavoda za transfuzijsku medicinu Federacije BiH za 2023. godinu.

Tekst Prijedloga Odluke razmatrala su nadležna tijela.

Prijedlog Odluke obrazložila je predstavnica Zavoda za transfuzijsku medicinu.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 59 glasova za, bez uzdržanih glasova i bez glasova protiv, donio Odluku o davanju saglasnosti na Finansijski plan Zavoda za transfuzijsku medicinu Federacije BiH za 2023. godinu.

3. Prijedlog Odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za Program integriranog razvoja koridora Save i Drine primjenom višefaznog programskog pristupa

Tekst Prijedloga Odluke dostavila je Vlada Federacije.

Predstavnički dom obavijestio je Dom naroda da je na 7. sjednici, održanoj 28.11.2023. godine, donio Odluku o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za Program integriranog razvoja koridora Save i Drine primjenom višefaznog programskog pristupa.

Prijedlog Odluke obrazložio je Vedad Nezirić, šef Odsjeka za zaduživanje i koordinaciju sredstava za razvoj u Federalnom ministarstvu finansija.

U raspravi su učestvovali Vedrana Vujović i predstavnik Ministarstva.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 50 glasova za, uz šest uzdržanih glasova i uz jedan glas protiv, donio Odluku o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za Program integriranog razvoja koridora Save i Drine primjenom višefaznog programskog pristupa.

4. Prijedlog Odluke o davanju saglasnosti na dopunu Statuta Federalnog zavoda za penzijsko i invalidsko osiguranje

Tekst Prijedloga Odluke dostavila je Vlada Federacije BiH.

Predstavnički dom obavijestio je Dom naroda da je na 7. sjednici, održanoj 28.11.2023. godine, donio Odluku o davanju saglasnosti na dopunu Statuta Federalnog zavoda za penzijsko i invalidsko osiguranje.

Prijedlog Odluke razmatrala su nadležna radna tijela.

Prijedlog Odluke obrazložio je Sulejman Garib, pomoćnik direktora Federalnog zavoda za penzijsko i invalidsko osiguranje.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 56 glasova za, bez uzdržanih glasova i bez glasova protiv, donio Odluku o davanju saglasnosti na dopunu Statuta Federalnog zavoda za penzijsko i invalidsko osiguranje.

5. Izvještaj o odobravanju izdvajanja sredstava iz "Tekuće rezerve" Vlade Federacije iz Budžeta Federacije BiH za 2023. godinu za period 1.1. - 30.6.2023. godine

Vlada Federacije dostavila je Izvještaj o odobrenju izdvajanja sredstava iz „Tekuće rezerve“ Vlade Federacije iz Budžeta Federacije BiH za 2023. godinu za period 1.1. - 30.6.2023. godine.

Predstavnički dom Parlamenta Federacije BiH obavijestio je Dom naroda da je na 7. sjednici, održanoj 28.11.2023. godine, prihvatio Izvještaj o odobravanju izdvajanja sredstava iz „Tekuće rezerve“ Vlade Federacije BiH za 2023. godinu.

Izvještaj su razmatrala nadležna radna tijela.

Izvještaj je obrazložio Alija Aljović, pomoćnik ministra u Sektoru za budžet i javne rashode.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 46 glasova za, uz osam uzdržanih glasova i uz sedam glasova protiv, prihvatio Izvještaj o odobravanju izdvajanja sredstava iz „Tekuće rezerve“ Vlade Federacije BiH za 2023. godinu.

Sjednica je završila rad u 17 sati i 50 minuta.

Transkript sjednice čini sastavni dio Zapisnika.

SEKRETAR
Izmir Hadžić

PREDSJEDAVAJUĆI
Tomislav Martinović